

養

一

齋

集

養一齋集卷之九

山陽潘德輿彥輔

丙申年

仲秋之秣陵省止泉舅氏登舟述感

人生重知己肅然況我師我師母昆弟愛我同仁慈我年
十八九舅自京華歸當代稱宗工寂寞元亭開我方悲蓼
莪偃偃迷所之銜涕往問經謂我長文辭此事今推袁大
語了不疑豈料卅載餘慚負無瑰奇虛名挂人口覈實多
瑕疵輪蹄周鬢須身世曾何裨嗒焉念我舅視我當益衰
八年不見面魂夢常往來魂夢恨恟恍書尺勞雁飛不如

一葉舟徑下無威遲五日可渡江叩門升堂階四海此舅
甥頭白猶相依青山照綠酒色笑交愉怡毋言老懷惡真
樂方在茲

秣陵我初游其時十六七綵衣侍杖屨奇氣自噴溢轉瞬
風木悲悲痛難殫述長江十二渡秋鶚翼始刷春官墨被
放我馬疲不歇幽州朔氣嚴雪片化毛髮朱門士鱗萃塵
上晙白日性褊恥奔走胸次堆峒碑南望江介山浮嵐抱
城闕少壯苦備嘗此境濯吾骨我舅澹榮利寓公乃築室
鍾阜蟠煙霞取爲駐顏術從之叩元遠冠蓋眞外物卻憶
童孺年出門傍親膝孤兒淚在眼年光悵飄忽再拜我舅

前天倫等親密從來骨肉恩窮老戀尤切長歌復三嘆葦
風夜蕭瑟

八月十三夜寶應對月

昨夜吾鄉月吹來八寶城故交在天際謂孔生河漢向人明

叢葦藏漁火高樓落雁聲此邦問耆舊喬木已榛荆故鴻博侍

講喬公衆爲吾潘氏甥今其宅歸朱尙書

十四夜高郵對月

雙槩閣煙漱百蟲喧夜隄月華憐漸滿珠彩望終迷樹擁
孤城暗天圍大澤低文游客非昔旅泊句慵題

十五夜揚州對月

綠楊應記我三十度揚州雲水一揮手重來雪滿頭隋隄
猶月色歌吹寂中秋翻爲居人喜清貧省宴游

近鹽務折閭民遭水

金山舟次感興

我從淮南來漫漶無高原河湖互爭地那見坤維尊大江
日夜下萬狀驕瀾翻勃然一峯起雖小鐵甕門怒濤擊四
周檣空鎮魚鼈羣山但拱揖無此萬古根豈惟制百怪南
服爲屏藩倚山劃一嘯身若橫海鯢揚州麗煙月滌盪歸
雄渾臨川歟抑塞濟世嗟徒論浮雲蔽蓬萊千里傷羈魂
思登高臺顛驤首攀天闔雲扉叫未開文豹當頭蹲愧彼

古頭陀石室坐不言迴繞且酌酒醉卧荒江村

新河舟中

雲濤片席過愛此波恬舒兩厓及尋丈水色彌有餘江邨
人宴歸林密風蕭疏眾鳥散平疇遠霞照蓬廬山椒幾葉
飛秋氣激太虛田禾亦已穫兒童牽澗蔬涉覽發長慨塵
鞅良趑趄浦橈不忍發嵐嶺將卜居

晴窗對岸啓雲木非一族居人蒼愚蒙清暉自然足老龍
安深潭江靜睡亦熟縹緲攝山峯孤樹表秋綠跳泉清肯
聽浮靄快今矚已似香臺下松濤動僧屋樵夫笑指路夕
陽遞川陸言尋舊禪牀蒼苔踐幽躅

謁方正學祠遂至壽池山房

建康郭外萬山合木末一亭依太清老子閒游多古意大
忠餘憤作江聲春秋事不問家國師友倫原共死生草草
六朝同傳舍詞章幾輩是時英

含淚高歌授命辭下山草木有餘悲復登傑閣一憑眺誰
似長江無盡時萬壑秋聲儘蕭瑟孤峰日色未迷離長干
賦別銷魂地獨有茲游慰我思

奉別止泉舅氏

見難別苦易此別況衰顏骨肉一江隔煙波雙淚還更聲
促枯酒鐙影戀柴關北固登高日吟魂在蔣山

江舟贈別盧斌夫

江流日夜東萬態迭新舊昔別君未婚杜送我涕霑袖今
來君產兒顧我貌益瘦我爲幽燕客體廷志不就君居佳
麗都氣質善矯揉弱冠文史場不逐裙屐秀聞歌急迴槩
輓彊決志穀銅丸飛深宵銀刀爛白晝頗鍊封侯骨痛刷
豎儒陋狂歌拂雄劍獨立古賢後袞袞篷窗談瞻識狹宇
宙晚泊石頭郭風雨谷懸濤大江曉色動洪濤萬馬驟開
襟爲君酌勛君業日富丈夫廓樹立匪以智力鬪將此赤
子心衽席溥在宥彫剋喟滿眼瘡痍恃誰救翩然大纛過
伐鼓津吏候安知繩樞中九月衣未授我滯若病驢秋風

臥殘廢君爽如快鶻霜翮翮養豐茂惡鳥擇一擊啁噍獲老
壽挺挺仁者勇家學標世胄望深言苦長年盛願須副岐
塗腸九迴欲行睂屢皺邗江計乖分潤州姑宿畱金焦攬
江海泱泱極天覆共持茱萸酒胸腹濯塵垢快意百年僅
此別幾時觀沿江折衰柳清淚漬衣透

寄陸藝林太常

不見太常今幾年燕山南望阻風煙每慚阿士文章美

藝林

爲止泉舅婿

深識秦嘉夫婦賢君得黃花關老屋我隨秋雁落

江天延令只在雲低處把酒臨流意邈然

京江舟次雜書

宮殿銀山最上頭坐看千里雪
濤流阻風中酒年年事又
倚江南一寺樓

四圍山色扶仙閣萬古江聲入酒杯

飲銀山道士山閣上

醉倚危欄

問羽客聽琴多少大魚來

道士善琴

黃葉西風送遠鴉雲天一角是吾家
江山如此英雄盡歸
掩柴門對菊花

揚州訪毛子喬

大息毛生老齊名少小時朱顏終勝我
喜色乍生兒

子喬今年

五十八秋雨依螢苑春雲隔鳳池
平山菊可把解纜復相

思

灣頭夜泊

隋代山光寺月高僧閉關茱萸灣上泊不見江南山石牘
水何怒江聲到此閒臥參喧寂理身定夢魂閒

過湖

飢雁雨猶叫蘆花秋自開人家未盡處湖水接天來

野雁

野雁風吹下飛飛近我舟尙存霄漢念豈善稻粱謀朔漠
半年雪南天萬象秋忍寒是汝分安穩伴沙鷗

野航

野航閒載我豈博濟川名樵牧能相狎波濤那用驚天青

弄雲水月暗識柴荆不繫眞慚汝值個多世情

寄鏡渠

夏木繞君屋續續陰酒樽霜氣一以冽枝幹今何存我從
江介來落葉堆千村但見古山色蒼翠衡朝暾相思阻煙
水朔雁空飛鶩江濤日東下天道余何言

寒鐙照我心先哲起晤語萬卷圖兒童一觴剖今古畧具
甌石儲老子豈出戶溝壑終懷疑潛躍匪泰宇眼中鳶魚
妙飄忽若風雨往問三徑朋何術慰環堵

寄小庾

青雲高復高碧海深復深青雲不扶翼碧海可洗心海濱

田雖腴耕作力足任老親植藜杖稚子依書琴蓬廬煙火
通濁醪時一斟直北眺丹闕羣鳳游芳林物生但飲啄
何者爲升沈大東浩滄波釣竿垂自今

竿綸雖云樂肥遯嗟非時豈有萬斛舟濟川終無期天河
流西南光耀徹四陲如何烏鵲毛橋梁命之爲俯釣六巨
鼇仰觀搏桑枝赤日吐暘谷羣陰埽離披將子且安坐泱
泱相娛嬉

清娛惜芳辰衰白別太苦燕臺一片月飛來我庭戶密坐
四海英揮手散如雨精誠與纏絲山川宛修阻野鴉叫衡
門高雁逝煙渚美人蘭槩遙西風淒蘅杜白日去不淹獨

立愴萬古竹老實未結歲晏益愁予
翬翬金石心荒遐其
時序

寄葉生

嶺南江右兩老翁

香鐵羽可

飄然去我如飛蓬漢北少年尺書

至指眼疾讀心忡忡京華軒輊走落驛何爲眷此山林客

三月不見入君夢我文一通長在壁文章豈足了君事邈

邈前修其肝鬲寒霜垂空萬星溼風吹我心往趙北淮流

潏沆橫我前几上瑤琴韻酸惻卻思老友雙淚流嶺雲漠

漠江漚漚勸君青鬢莫懷友風雨愁多易白頭

生有風雨懷人圖

題子履山水冊卽送之歸鎮洋

周道起飈塵黯黯不得語山川爾何物天地啓靈府裹糧
往從之關河易風雨煩憂紆復結塵坻汝累子

塵坻不可祛矧將別我友別我問安之故山有百畝大海
濤其東邱壑自潛守煙雲千里深孤鶴可回首

孤鶴欲南下白雲空裴裊不見谿山閒煙雨藏高齋或有
綺與角千載相往來古人尙不隔並世何離懷

離懷日夜長欲語還默默驅車覽四方不如日居息天寒
霜霰多朱鳳亦垂翼去去勿復陳努力向泉石

子榦南歸過淮詩以誌別

竹屋斜陽鳥獨語夢裏佳人在南浦幽燕北風馬蹏健復

送高帆過吳楚欲行不行默凝佇期我河梁話離緒柴門
乍曉喚人覺箴舫輕寒伴鷗去鷗汀曲曲閒可娛谿翁三
五眞吾徒雙目不納六合事瓦盆爛醉爲唐虞黃生君來
從上都飽聞皋契陳訐謨英年奮氣起射策瓊枝白璧天
下無荆山好定萬鎰價何爲蓄寶還鄉閭大江濤聲夜如
吼廬山積雪射南斗看君鶴筆有寒色淮陰肆上呼杯酒
卻憶長安酒肆人紛紛散漫如飛塵我手漁竿不復棄君
腰寶劍終有神撫劍高歌極惆悵落日高城臨莽蒼太行
左右螭螭來千里江田可無恙黃生黃生歸路賒青山供
汝早梅花春風吹到江南雁先過淮干漁父家

寄羽可

我交老可纔幾年我別老可二百日交情跌盪忽過眼別
恨紆迴如疾疾曉屏湘竹淚汎瀾晚閣江鴻響蕭瑟楚州
一櫂不可東

羽可秋杪過淮距余家五十里不得見

魂夢無靈交臂失卻思

我髮不如漆九州幾人我親密我隱北山時薄游子誦南
陔豈思出天末碧雲遙復遙江水何由似溝洫方今天

綱冒海隅眾流歎欲奔蛟魚何哉蓬嶠掣鯨手鏟采不供

明月珠人才變化貴神速之子木彊老尤篤嶽嶽朱門不

投刺袞袞華筵頻抵肉君不見會稽司空知好賢

謂吳梅梁侍郎

丹旄飄飄誰復憐撫州司賓愛佳客

謂黃樹齋鴻臚先生

朝

無青錢長川大鵬要蘭楫平原駿馬思金鞭腹中一奇
不得吐翁也六十宜園田恩江沄沄涵翠煙紫薇著花應
悵然何怪淮洲一老叟殘冬對月心悄悄願畱淮月江雲
在其此清寒萬古天

寄到渠

萬古江天月光明無盡年九秋朋友樂飄忽過如煙

九月間與

到渠飲於銀
山道士樓上

斗室荒邨裏僊樓遠夢邊詩書接童卯琴酒

隔英賢倚竹寒猶立巡梅夜何眠苔階看葉埽石鼎聽茶
煎稼圃謀憐瑣旂常業判捐孤鴻宜草澤羣鳳久班聯淮
海裁誰澹瘡痍眾望痊危隄恃礎石守吏缺金錢憂患難

高枕身家只故氈建牙瞻袞袞越俎妄悃悃青史時耽讀
丹心觸涕漣百齡驚過半一笑勸隨緣穀賤餐仍飽蘿長
屋未穿暫牽巢父犢不著祖生鞭幽興與吾真熟狂言孰與
宣停雲千里別皓魄幾回圓碧岫浮深瑋銀濤涌大篇交
游徧寰海之子劇纏緜見雁頻書帛探山促放船相尋趙
承祐共弔柳屯田契合胸何滓飛騰句竝傳春江變醇酎
吟嘯忘華顛

寄孔生

北游太行麓南過長江濱一歲羣山川積氣歸衡門破屋
漏嚴霜中有萬古春古人竟未死烈烈回精魂開卷咀

讓銜栢如晤言但恨曜靈速遲暮名泯泯岌然策同志及
時書高勛

昊蒼育萬類我鄉雪何艱遺蝗屯江淮不雪皆羽翰人理
古有則天怒愼勿干夜夜熱名香朝朝拜靈壇鬼神愛赤
子劇於守土官百叫不一應九天誰叩關天關叩開白
日照肺肝溝壑是明罰眾庶宜省愆貴賤濯垢汗雪光如
海寬

母寡繫長組橐街震四夷蔥嶺萬餘里亭障如郊圻誰與
煽烽火莎車或焉耆或疑車師會新自咸陽歸驕黠相鼓
惑矛端火騰輝身都名王爵入侍爲飲飛朱纓臂奇鷹跪

拜如漢儀狡焉乞骸骨大壑還蛟螭絕域憂未紓我鄰況
喧豗側聞濟水陽嚴城鼙鼓聲奇哀集么膺敢當珣戈麾
所憂急芻蕘少府需不貲兵農貴柔遠富教有職司老儒
戢影坐恤緯徒歔歔

我有紫蘭佩臨風異芬發欲往遺所思燕粵阻天末咫尺
八寶城故人猶契闊淮水東南流似我腸鬱屈春風況吹
汝遙遙向金闕鵲驚喜竝棲老鶴忍爲別但去勿復顧
江湖易汨沒九霄民所瞻列宿方配月

僊人駕白鳳翱翔羣玉峯亦有跨赤狸娑娑凌虛空駢田
旣殊態際會各有終之子產淮湄清光誰與同晨鮮歌白

華人眼無纖穠甯咽冬竹雪不款春蘿風竹勁逢伶倫裁
爲十二箛懋哉調六氣民阜年以豐歲晏節不完吾其賤
如蓬

除夕題壁

閉關枕古書和煦如春曦出門時登高烈風驚我衣浮雲
聚爲族白日有蔽虧眾木愈頽靡臨霜無貞姿倚我好遠
古松柏相與期白日既不照慘怛中懷疑語汝勿疑貳元
命實自基翦綵飾荆棘終久傷吾肌窺戶見明光得不悌
天威

蒼天臨萬物刑賞斷惟允水旱非無繇威怒載精蘊王者

省歲功月日責卿尹下及士庶人食息敢乖踣毋言救世
拙一身慮凋隕我愆如塵積何敢怨竊窘偷食數十年非
仕亦非隱又見一歲除光陰疾於隼愁兢仰愧天奚以別
愚蠢

丁酉年

春日適阜甯觀海書院舟次述懷

我浮射水來直至東海隅海天盪胸次悔不爲老漁十年
踏京塵朱門絕走趨頗有傲物名青紫奚由紆歸來獲何
物朔雪堆鬢鬚煙水此閒樂況復攜琴書飄飄一葉舟茶
竈閒藥鑪高吟答櫂歌波涌雲舒舒孤籬寒雨聲舊夢宜

江湖老矣愛閒適鐘鼎非所須

飢溺拯無術將身匿茅茨胡爲盜虛名猶作一邑師受書
數十年省躬多瑕疵盱衡四海英抑志求適時風會水就
下砥柱今伊誰我昔痛狂瀾欲以隻手麾酒酣覽八極忼
慨抒襟期韓歐不克繼蹙蹙顏已衰覩焉就此都攬鏡長
嗟咨

將之眞州維舟城西游道觀作

江海勞生倦林亭靜者機孤城停畫槳斜日叩雲扉漁子
能高唱沙禽愛近飛無言坐苔閣老我未知歸
丹邱不可上白鶴好相知煙水澹如此塵沙悔太遲開軒

晚風定明日片帆吹多謝故林叟山田勸種芝

泊寶應孔生送余二十里外口占爲別

林陰萬頃湖衣上數聲雨靄靄春雲歸依依暮帆去

三汊河舟次偶書

隄柳絲絲引客愁半帆春雨過揚州平沙淺水隨風去倦
聽長江萬里流

飲眞州十笏菴東到渠並示吳生

春水輕帆四百里美於燕趙踏黃埃江城蘭若竹尤密淮
海酒人胸頓開鳥語直從殘夜起鐘聲都入碧雲來故交
舉琰頻相約玉版詩禪不費才

酒酣更上拂雲亭

菴西文墩乃宋人東園拂雲亭故址

江介羣山不斷青忽

對東園思北宋可憐大地亦浮萍拈須吟客貪搜古行腳
殘僧說檢經等是塵塗心未淨沙鷗含笑向煙汀

題張玉農胥江送別圖

當筵酒仍綠別思誰可忍寒潮生又落高樓遠如近君聽
楓橋鐘宵清百愁盡

題陳生克家詩卷

道散文士多籍籍奮述作天心未窺見繁簡悉穿鑿鮮纒
正骨銷刻峭元氣削譬如冬與春專一豈橐籥陳生東南
彥德門世天爵朝霞翔紫鸞秋宇迴孤鶻準以竝世英名

字當焯爍返觀奇悟生極困真趣博百年闢周行兩儀授
靈鑰卻思文苑子虛名一紙薄妙齡各依倚衰老盡飄泊
傷我貌華皓精魄久外鑠得爾密相助歲暮幸有託鬱鬱
青松姿永保勿凋落

三月晦日坐十笏菴偶觀陶集欣慨交心詮次爲詩
索到渠和

出門靡所適動卽尋僧寮數日必叩扉風竹聽蕭蕭時復
啓北窗詠歌閒慕陶舉世苦有營斯人興何超我更如拙
鳩陰雨無安巢清境不我畱對竹心忉忉春盡人亦行蓬
轉隨風颺萬態舉如此遷轉非一朝持語素心人豪氣毋

潛消我羸人自知逐物還悵勞有生不自由徒悵朱顏凋
寄亭甫南昌
北來君上滕王閣南下吾登文選樓落落古賢猶在眼滔
滔江水自東流風潮儘送羈人夢燕趙還思竝馬游好是
蓬廬各安坐箸書不就已千秋

校王二波都尉詩

江雨欲畱客江風只送雲東西一江水沙鶴竟離羣把子
新詩本光如寶劒文何年班定遠早作杜司勛

與劉桐江泛舟平山卽送游松江

歐蘇不可作亭館自揚州牢落存吾輩江山入小舟壞牆

春抱柳孤筇晚臨流何暇悲興廢頻來我白頭

酒殘長安雪籃輿白下峯江頭又揮手送子下吳淞客味

葦鱸美離情芍藥穠

是日同觀芍藥

風帆一南北同憶廣陵鐘

余將

上返淮

高郵舟次寄懷通甫

簷社湖光清復清煙花何苦戀蕪城日斜獨立孤篷外水闊天空憶魯生

邨樹團團麥秀天石榴如火又將然當時繫馬榴花下鳴咽驪歌已一年

江湖漫送客舟還老我何曾解閉關渾似岸旁雙隻墩年

年風雨變容顏

僮陽山色遠嵯峨，儘爾開襟日嘯歌。莫爲黃壚王吏部酒

痕不及淚痕多。

沐陽王慈雨吏部新
逝與通甫爲至交

五月五日同人集王靜山宅作歌紀事

吾生不踏蓬萊峯，縱觀海水聽天風。關津南北幾飄泊，臨
流一照成衰翁。海西孤城大如斗，登城遠見河朝宗。城中
酒伴四三輩，河海逸氣蟠心胸。王叟六十興飈發，延賓令
節逢天中。菖蒲九節不屑種，手栽墨竹梢凌空。朝來風雨
戛虛壁，勁骨可敵蒼厓松。復就齊紈貌山水，攝山松濤來
洶洶。松聲何似琴淵冲，橫琴不鼓真陶公。但聞枯槁響歷

落滿堂寂靜鑪香濃須臾四座忽絕叫永和妙墨騰蛟龍

琴書錯雜引譴笑簫聲一作齊斂容袁生審律追神聰

如簫史姿昌丰初學鸞鳳羣噦噦殿廷冠佩和且恭後如

礪谷微泉通孤嫠幽咽嗟寒冬自吟樂府亦淒烈西風殘

照悲無窮

袁本生善吹簫誦其詞云從今後囑西風殘照莫更黃昏

古來得喪皆雞蟲

哀樂慎勿傷吾衷一客俯首默有會秦七黃九非豪雄高

歌太白綵雲句音辭迥上摩蒼穹眾賓色轉侍僮喜傾壺

重進琉璃鍾更翻別調酒鱗動一簫一歌神怡融歌殘酒

醕我長喟少謀此樂今希逢當筵須髮白復白酡顏枉映

榴花紅主人韻事太稠疊恨余浪跡爲煙鴻今朝出室新

醅釀明日沙頭隨釣篷
潮平月落醒孤夢
新詞誰付商玲瓏
卻憑危樓望天東
海水汨沒浮鴻濛
神仙宮闕尙變滅
何況我輩相過從
出門夕照盪湖水
潮生潮落人事同
湖邊揮手影散亂
寥寥煙寺傳清鐘

吳生三十初度賦詩贈之時同赴邗上

黃河下天西如雷走滄海
氣大物不忌宏濟副真宰
之子飲其流渾淪蓄光采
三十猶潛居命意貫千載
河聲吼不息壯盛業毋怠

叱馬滹沱陽叩舷長江上
剛柔水性殊智者養吾量
數年出必偕古哲相揖讓
絕業苦不就我老惟汝望
淮月光盈

川連袂發高唱

袁浦送孔生入都兼訊竹坪駕部

新柳覆煙艇送我南湖頭黃梅熟楚雨一樽還苦留子情
何縣縣我衰增子憂華髮當閉門飢驅仍薄游念子將遠
行臨岐言不休應官貴盡職惻怛非身謀長安不易居甌
石需綢繆南望白雲飛寸腸輪萬周生時謀
迎養躬勤心復勞
得不爲子愁萬事視時位多思乖內修保身卽悅親報

國何近尤明年春雪融我馬過盧溝相見無佗歡精力恒
堅迺巍巍燕山峯浩浩淮水流爾我但金石毋爲兒女柔
爲我語韋郎此義非謬悠

高郵逢雲生

高沙城西波沆瀣高沙城下船來往一船招手一船泊敬
亭故人歡撫掌自言舟車何日停娶妻小住晉陵城復挂
孤帆翦江水往送沙場大帥行君不見大帥牙旗卓射陽
千官夾道生輝光東南財賦四百萬欲貢天闕來彈章
朝擁弓刀照雲日暮攜僮僕趨窮荒窮荒險絕二萬里賓
客聞之顏色死一朝勢散各萍蓬誰唱陽關戀知己李生
意氣今所無五百里來歌驪駒驚我白須顧我嘆我自落
拓甘窮塗長安獻策盼富貴富貴於人非良圖冰山雪海
秉旄節何似煙波爲釣徒一笑恩恩解維去三十六陂天

欲雨平山六月荷花涼待汝碧筩酣綠醕

贈子喬

滄江橫我南長淮瀦我西片帆落邗上雲濤洗天懷如何
歷世人錢刀爲娛嬉泊然愛我友默坐關荆扉故鄉幾車
笠邛山使人哀君恆爲寓公握手襟暫開相看雪蒙頭西
日戈難揮軒裳若路塵文章風花飛不如養壽命爾我藜
藿棲藜藿涵天淵曠蕩無窮期

觀毛生甫近詩用柳州飲酒韻贈之

雲物班太虛我知岱宗尊未繮極天氣霞虹猶苦煩投我
等身作不如話寒暄海壖一士來晞髮扶桑溫危樓發清

嘯歌吹音毋繁大化見根極累牘元無言洞轉閼龍虬巖
崇護蘭蓀皓首分靜契持葆吾所存

都轉衙齋小亭看雨二首效韋體一用其對雨寄韓
庫部協韻一用其對雨寄李主簿高秀才韻

江甸雲易生芳林晦如霧南風拂我衣涼雨至亭樹院荒
草木雜興廢識己屢舊宇遞延賞疇非羈客住

小亭如江舟四空風雨來溽蒸一以滌煙景離纖埃耽靜
老夫性祓煩化工才茲焉闕釣蓑披襟自低徊

登法淨寺平遠樓還飲湖舫作

地及揚州卑茲山遂寵從巍然 翠華駐厓隰齊華嵩衢

歌百餘年仰攀疑天宮珍木舒夏氣飄飄閭闔風荆吳江
聲長落此欄檻中羣山不吾障目力窮南邦繁華信稱首
民氣今可充鹽筴非遠猶何以陳 九重登高集華纓孰
繼安陽蹤

蜀岡似吳苑游者當耕織我亦蠹其閒嘯傲傍酒食陰霞
晦陂陀深翠近無極微陽忽動盪滿觴湖天色遐景來蕭
騷醉懷入悲惻文章愧鮑照佗事更何得江頭老友笑君
少髮先白彊言蒼松姿霜雪畏攻逼不若鄰舫子箏琶取
閒適

夏夜寄懷竹坪用韋蘇州夏夜憶盧嵩韻

高館散雨氣素秋生衣襟離居夏夜長斜漢隱半林感時
驗斗杓四舍循環斟佳人杳丹闕春鴻遺我音詠言發
天光使人羞凡今飛潛遠殊域孤夢甯浮沈

寄倚君

東郊翠幟車北市珠勒馬飛塵極九天不入衡門下拋書
觀西山日落下樵者我廬江雲中芝草長可把采之不見
君浩歌立荒野

寄廉峰

江湖積風雨吾意屬漁蓑縱入故人夢安知白髮多憐君
振玉佩倚閣日高歌窈窕西山月清輝近若何

與姚石甫毛生甫金山放舟宿焦山三夕作

太冲爲山川融結互根柢中江屹金焦涌溢寓知止陽厓
縱我櫂沿月出江浹水月亘青天萬象炯可指卻顧大海
東混混失終始斯人非元氣疾風捲溝水雄詞矜瀾翻簸
蕩積虧毀默默二千載獨立焦處士虛堂三嘆息怛焉中
夜起

萬流東不歸新日升樽桑迺悟物無盡心與江聲長端坐
寺前石風怒濤雷硠崩騰助我靜形殊神有常枕席過千
帆蛟龍各潛藏喧寂視其職遐慕皆迷茫白雲照我牖清
鐘殷我牀卽事如淩虛何假青鸞翔

高閣俯斟江一觴下溟渤暮色橫海來仰首見明月皎如
素心人飄飄降天末我友得二士六合量可括尙懷七閩
客松寥興清發亭甫襲寓松寥閣名其詩集聚散悲已愚況迺辨窮達
牢騷寢鬼瑣砂礫遞明滅摩挲蒼松根石壁倚巉絕毋忘
支離翁天風對晞髮

海門菴

余與生甫同游焦山三日尤悅海門菴風物之勝
菴扉恆晝閉藏山蔽海竹石夔邃久無人聲對坐
移時迺去生甫將自爲圖識之且系以詩余晚交
生甫志甚合旣將言別復游無期慨深於樂亦賦

二章以紓鄙懷

大江吐朝旭光采驚我樓卻挂深谷杖白日爲冥搜入門
無所有野竹何修修專蓄山海氣成此林壑幽席端起馴
雀座下蟠潛虬俾我百歲心散落如浮漚荒哉羲燧人依
依與神謀非君悟霄霓孰與淩滄洲

洪流自有歸嘉會亦有止微言互沁骨離別從此始向來
金石交一室聚者幾深感蒼昊仁覲面已千載不見高臺
旁笙歌粲冠珥江潮去無跡枯酒豈足恃飄飄長淮帆浩

泐東溟水

生甫寶山人

永懷竹寺風餘清滿天海

別生甫

海右兩黃鵠天生披然南北飛北飛不上鳳城樓南飛直
度鼇江磯各各歸來啄荒澤煙雨相逢不相識長鳴一聲
雲天開對立沙頭諦胸臆沙柳汀花交有情海風忽起變
離聲高秋月皎一回顧淚作露華霏太清淚亦不可斷飛
亦豈能遠鬱鬱亂山橫荒荒白日晚君不見昔呼黃鵠今
白鵲志氣勃率形衰癯別時聊問滄洲伴丹闕瑤臺今有
無

郡西別吳生

淮天落片帆又見城西樓飛甍跨楚甸東南俯揚州揚州
地卑溽爾我胡淹留蜀岡屢攜手遠山嵐氣浮不及枯木

堂雲濤狎龍虬終然懷故廬畫靜蘿煙幽出門望禾稼便
上谿翁舟眼底懷葛人胸中江海流閒暇若相思雞黍期
深秋

題亦僑丈遺畫

澗水日夜去人世亦迅湍勝友若霜鶴一一歸蓬山宿草
淚滿掬老我孤松寒訪舊但存畫野色清且寬陂綠牛徐
行柳陰滿柴關無此二頃田塵沙宜滿顏那如谿上翁鄰
叟長往還

冬日江行

平沙疏樹指真州忽豎危帆萬里流
衰雲濤如怒馬飄

飄天地自閒鷗半瓶濁酒依爐火一帶晴山入柁樓欲買
魚竿釣江雪蒼茫何處著羊裘

真州示張生匯陳生克家用江行韻

石閣招涼古潤州

夏間與二生游焦山

回帆淮水帶冰流不知白日

同奔駟還向長江作片鷗客至寒花猶繞榻談深缺月已
當樓風霜短褐成何事枉羨香山萬里裘

寄生甫

江頭青山色登樓宛然在明明夢中人求之邈雲海相知
不相見几席失光采名園履跡存草木貌已改秋實不作
佩春芳若翦綵孤弦霜夜音含情欲誰待漉漉滄溟波因

風贈蘭芷

送石甫之臺澎

海鰲低首鯨拔身海圖不知毘舍邪牙冠使者外臺建極
天溟渤皆中華地銷折戟鋪桑麻穀歲三熟輸 天家蚶
江花明鹿港雨姚侯此行若庭戶十載重來作大府八閩
久已呼慈父我賦送行詩離別何所苦忽持明鏡看顛毛
春明塵土欺青袍白沙翠竹一舴艋夜開劒匣霜天高長
安肆中百壺酒揚州郭外千條柳老我同爲乙巳人昔楊
自稱癸巳人董思白自 尙累天南遠回首姚侯姚侯天下
稱乙卯人賊川此例 無早持玉節來三吳江聲月色金焦最晚歲同爲詩酒娛

晚步同張陳二生

江風醞冬燠苔院引深步借問羣草木穠春寄何處雙桐
葉偶悴枝幹挺霜露竝立佇我來鬱鬱相睠顧厥性中琴
瑟剛柔默以裕鸞鳳遠未巢高館歲華度感此屢徘徊百
端迭新故身世如野鶴天涯幾芳樹摩挲百尺材倚汝慰
衰暮

歸舟述興示吳生

江下南徐雪浪奔萬帆如葉去無痕我心只在焦山寺脩
竹清鐘晝掩門

卒歲勞勞倦不勝與君詩骨尙峻嶒東餐滄海朝霞氣北

飲黃河雪夜冰

余將之阜甯
吳生渡河歸

郡西與吳生別

三十六陂南風作送我歸舟射陽郭我歸那得堅閉門後
夜孤帆射湖泊江淮湖海十日中敝裘昔昔忘大冬客行
但愧主人厚詩多未算文章窮文章何恃恃良友卒歲蒼
涼惜分手回指連天岸柳青小驛疏梅來勸酒柳青梅白
含春煙雲開日轉長安邊壯游且挾吳季子雄辨還攜魯
仲連

約元夕前與生
及通甫同入都

歸自眞州復之阜甯舟次作

江柳含悽別谿梅匿笑迎蓬廬足高卧寒雨又孤征天接

層冰色潮來大海聲可如南紀客鯨背擁雙旌

謂石甫

寄黃質菴通守

豪氣蒼茫隘九州歸來渾似壑藏舟
自開風雪三閒屋俯看黃淮二瀆流

養一齋集卷之十

山陽潘德輿彥輔

戊戌年

赴都入南西門作卽示孔吳二生

條風扇 皇州萬物各有得于道途閒昔年迤滯客白
髮忘昔悲青陽晒新色靄靄西山雲欣欣 南苑木願我
如有情使我重大息我實非才賢青冥屢垂翼關吏顧我
笑老矣益閒適非無江海心名義默相責區區冀誰憐姑
以殫我力矧我友朋樂廬旅若安宅入都主哦詩見元化
談道亦天職喧窗鳥嚶鳴和平暘胸臆孔生宅

答海秋

春水故侯臺垂楊送客來
裘當五更雪車轉萬山雷
鄒魯經生席幽燕酒肆杯
我衰宜退舍風景尙低徊

題羽可畫竹

滿馬燕趙塵衝寒憫頭白
賴此屏障閒煙水數竿碧
沈陰爲古苔峻節亦霜柏
安得高天風吹來遠江客

再題羽可竹用前韻

鐙火四壁靜夜氣浩虛白
朝來看畫竹江海滿窗碧
有生不滿意何異部婁柏
借此蒼龍騎去訪紫霞客

酒閒憶通甫與孔生聯句用前韻

東風吹海月暮入野雲白羣山負海去歷歷眼中碧有車
載奇石有酒澆翠柏早捉珊瑚鞭來伴金臺客

樹齋先生招飲卽席賦呈

溫雅梅堂宴春風被十年金尊慰長道銀燭照華顛文物
方操枋衰癯尙荷憐惟應受詩法高詠接羣賢

藻鑑宸垣重英風海岱多論材忘老大

先生典試山左
得一士年七十

四此力輓江河擁腫樹纔古荒遐碑不磨徂徠松定在吾
意敢蹉跎

花朝同人集孔生齋分韻得拔字

西山對君廬嵐翠與煙活春風搖百樹酒鱗已潑潑舉腸

胸洞開滄海際天闊浮名芥其間離朱謂豪末如何失色
爭相依若裘葛文章頗奮筆勃勃愛難割據之爲長城銳
攻不可奪哀哉奚補益曾不救飢渴大抵百年內塵網密
難脫縱言益枝葉芟繁復芽孽樂羣必虛受磨切非彊聒
萍蓬一分飛斯會憶忉怛舉首攀義輪萬動徒驚驚誰如
地有脊太行千仞拔

答亨甫

老我似松霜下立見君如月海東來風塵半世心初洗甫
白千秋首重通信筆文章關氣運過門車馬幾英才何時
及爾嵒巖上百尺飛泉注酒杯

再答亨甫

樓頭北斗垂天近戶外東風動地來極論每如喬嶽響清
詩要輓濁河迴本無離合同心友不問升沈命世才玉勒
雕鞍照都市吾儕自進野人杯

題林岵瞻樞部所藏赤壁圖次吳文定韻

風荻蕭蕭一葉舟詞人歌換老漁謳南飛白鶴千年在長
見青天江水流

卷盡風沙月在空滄溟西畔太行東便須今夜拏舟去痛
飲危磯雪浪中

題蕭晨柳陰兒弈圖

人閒一碁局憂喜到兒童日暮各歸去空山桺自風

題文嘉摹雲林山水

安得清閨閣不然停雲館著我梧竹間煙嵐對餐飯休休
白髮人莽莽燕山晚

題林天素叢蘆宿雁圖

暝色阻高翼相將入蘆葦隱隱潮有風冥冥天在水朝瞰
破羣陰卧者可以起

題董文恪園居野趣圖

尙書畫品似房山
紫禁朝回筆墨閒君看林亭幾邨落
祥風暄日滿人間

與梅伯夜坐聯句

姚生騎蚪來海東 鳳樓別君今又逢樓前楊柳青蔥龍
八方車馬如游龍誰哉文采天下雄探躡星海搖元穹氣
之所鑠千秋空眼看蜃閣堆青紅疾風吹落無形蹤寂坐
側耳飛冥鴻塵沙四颯天朦朧與君垂簾撫絲桐洞庭赤
岸羣靈通乘煙挹袖朝琳宮手擲藜杖聲隆隆下與凡界
開羣礪盪滌煩穢和天衷瑤臺宴散琴曲終滄波回首心
忡忡淮南浙東千萬峰相思相望春歷冬今夕何夕曲室
中宮商悅豫調笙鐘看我禿鬢如霜松猶能痛吸琉璃鍾
聞道碧桃花正穠攝衣共御神山風莫乞丹砂爲葛洪道

成自作東王公九垓萬禩游無窮

贈孔生用通甫韻

多君帥家訓銘鼎食惟鸞爾來佐刑官朽楊憫膚肉爲郎
應列宿所貴光四燭美矣商元臣羹酒作鹽麪

奉題孔恭愨公畫蘭

奕奕猗蘭茂於泗濱紫英翠枝爲天下春昔傷不遇今棲
崇高播其德馨式輔 昌朝

奕奕猗蘭粲於縑素道術孔嫻藝亦天賦溫溫祥暉習習
光風騷人勿哀視此夷冲

奕奕猗蘭衍於孫子手澤攸暨朱堂瑤彤數典敢忘寶茲

萬年如彼星榆流光耀天

題慶伯蒼比部詩卷

碧雲十二樓高據崑崙邱中有嬋娟子霓裳帶紫球玉色
自難老修眉含古愁坐視雙丸奔浮煙憫齊州援琴鼓一
曲海白天悠悠此曲人不知知之雙淚流靈鵬去不息身
命皆蜉蝣滄溟化仙醪鄧林爲酒筍下與世人飲各壽三
千秋

春風敷桃李飄蕩朱樓前欲持一時質傲彼松柏年稟氣
良有殊誰能奪其妍西嶺蔭喬木繆枝上參天含風埽落
葉雲露相新鮮誰能挹其芬昔有紫霞仙我將抱綠綺坐

此巖樹邊一歌酌美醕再歌還醉眠借問有何好冰霜恆
蔚然

答葉生

我來君不寐君喜我酸辛白髮有相念天涯能幾人須知
跋涉苦原爲友朋親濟濟蓬萊殿何需老病身

別恨不須諱高臺宜嘯歌春風生薊樹白日走渾河大道
僑居近清琴樂事多長江連庾嶺回望涕滂沱

羽可香鐵
相見無期

酒間示孔生二首仍用通甫韻

我思雲山閒薄田供饘鬻遠師龐德公耕鋤聚骨肉豈不
念臚仕世態若轉燭雕輪颺朱塵有人障方麴

我詩日寒瘦如食僧廚鬻何能變黃閒命中巧擇肉頽然
愧嘉賓良夜每刻燭祇當喚騶子車前話糟麴

夜與亨甫通甫孔生聯句

慷慨荆高幾輩存蒼山夜氣入琴尊百年落落窮愁骨寸
燭依依契闊魂寒角高城吹月色故園老樹長霜痕羈人
夢與桑乾水千里盤迴出薊門

次夜復與亨甫通甫孔生聯句

春風今夕寒殘月猶未出寥寥素心子欣嘆其一室江海
昔殊方闢處曠誰匹天風吹裳衣杯酒結膠漆煙鴻高不
翔暗鳥就林密浩歌夫何爲往者去我疾極苦塵土下車

馬送白日少讀莘渭書
野老可元弼虛名老不就
長鳴愧鵠蚌勉矣毋多言
千春志剛述

曉起與亨甫聯句

青山夢初轉白日澹已高一與羣動興慨然身世勞誰能
遣外物意愜隨所遭頗懷中屠生木石忘譏褒
高林暖清露飛鳥求其羣物猶無嫌猜機心化煙雲朋儕
戀生氣蔽隔由區分天宇眇翺集風和散游氛

都門望西山

太行東抱帝王州雲氣長飛五鳳樓
誰立翠屏千仞上眼看滄海接天流

爲雲生題朝鮮徐士敬兄弟書尺後

三千里外故人疏
老眼昏昏盼使車
愁絕馬訾江水上
潮歸猶問我雙魚

題龍門息心觀化圖

元化日在眼
寸心苦不靜
窮達旣怵迫
毀譽復馳騁
死生禍福交
厥憂更怲怲
物態日以紛
青天失光罔
日月亘入極
頭上過風影
賸此心沸騰
身蚤墮智井
無身心迺息
安得悟真境
江子齒方壯
氣盛頗自警
內觀心中天
滋味極淵永
我老益知返
與爾各深省

寄石甫

北斗垂垂倚檻前
老來酒伴滿幽燕
長風忽送我心去
飛渡鯨波萬里天

晚訪亨甫不值留詩一章用前韻

城西日落羣鴉散
不見天邊獨鶴來
大道黃塵誰共語
小園碧樹自低徊
易求仙嶠千年藥
難得詞場百世才
爾縱多愁吾易病
春闈莫放夜深杯

將出禮闈作

槐影疏疏試院門
白頭言別轉銷魂
南宮風日春如畫
此味還教付子孫

述興與儉卿

長安縞紵多聲華相照耀我來愛閉門養疾非寄傲故園
素心子跋履時一到儀文畧冠裳言論析淵奧慨彼夸毗
徒要津樹旌纛勇進不知退鄉國鄙貪冒圖終實艱難恃
有雪霜操傾身金馬門青山遠含笑

西山吐白雲風吹入朱門朱門久不歸愧彼鶴與猿矧我
將薄笨九衢黃埃昏通塞隨所之何者非乾坤昨日家書
來買地增短垣可以蒔修竹清風祛我煩其餘命種菜歲
寒敲其根人生各有適吾惟拙養尊

久不見廉峰書此代柬

兩年客江海魂夢遙因依如何咫尺閒顏色恆睽離亦知

保玉體閉關迺其宜嗟我難久畱別懷預淒其衰老此命
駕蹀躞非求知唯藉友生樂迴腸慰輞飢忽忽塵坳中陽
春去若馳與君幾言笑倏如隔山陂聞君園木嘉好鳥相
與飛虛窗靜思我如我思君時訊我南宮中官燭揚光輝
富有出羣語寰海爲羽儀覽書愧且嘆我病實不支逐隊
頌承平聲難協耳夔連夕疾稍退酒栢相愉怡鄰有七閭
客謂亨甫舊好日叩扉狂歌至夜分唱和如壘簾九陌多詩
人慶生獨清奇謂伯蒼能爲古人語哀樂關瘡痍張子與我
讀我爲長歔欬持以獻君前亮足清心脾此事卽元氣造
化通噓吹羣公坐不悟苦心求工詩非君秉通識疇與言

精微君健一快談白日開簾帷紛紛錦步障安用文章爲
題鄭稼軒大令振衣濯足圖

仰攀太華摘天星旋得長風跨海鯨可向茅簷低樹下方
塘半畝看雲生

贈別斌秋士武部

結宇陌塵裏亦趨郎署閒詩清竹上雪心遠江南山仕隱
古人合琴尊春晝閒勞君折楊柳爲我慘離顏

離顏對華髮含淚問來時塵世無長策江湖可釣師我真
甘放棄君好攝清羸莫遣高窗鏡吳霜上鬢絲

飲龍樹寺遂過龍泉寺

蘆葦齊青絮欲飛
桺條猶自絆斜暉
城南野色寬如海
忍放清尊拍馬歸

飲亨甫寓廬醉中作

海天萬里汎孤槎
不見青蓮十丈花
惟有野仙騎白鹿
曾邀明月勸流霞

題陳秋穀西谿夢隱冊子

林翠似山合
蘆白覺霜近
水際物自明
人外天無盡
夢醒短櫂歸
吾將就眞隱

題燕山話雨圖

余與通甫暨吳生寓孔生齋八十日
尊酒唱和無

夕不然賓主友朋之樂數十年未有也屬溫子翰
初作燕山話雨圖冊歸之孔生俾徵同志詠歌之
已皆下第將歸孔生悲愴不勝余亦鬱鬱難爲懷
題詩冊端旣以自遣且解孔生

垂楊不必畱班馬明月依然其一家別淚多於山下雨東
風將去作塵沙

與徐生大綸

天東風捲雲零落滿四野風力由大塊羣動胡爲者高臺
酒旣醕別淚數行下去去勿復道山谷自陶寫

南山有醜石見者交愕貽君乃別有取謂可供磨治

生以被放

日來執贄稱弟子大道在攻惡豈貴相愉怡與君此意長江水無已時

別梅伯

南宮畫燭春如夢北道旗亭淚滿纓江海風潮千萬里都來此地作離聲

墨綬銅章招我輩

梅伯來詩訊余作宰事

石田茅屋戀詩人君知懷

葛陶元亮只戴東籬漉酒巾

別竹坪

埽地焚香似左司松風盈指拂弦遲眼中江海詞人滿絕愛韋郎五字詩

淮水南流愴別魂
燕臺今夕又離尊
十年看我垂垂老
長是單車出薊門

竹坪和詩來情旨斐然復作四首

別意不可說
舉頭看太行
盤紆極天海
煙靄太迷茫
我欲尋芝草
峰迴已夕陽
驅車復歸去
使汝淚淋浪

鉢池山下路
真有古仙蹤
之子亦超逸
雲車駕白龍
紅塵姑蹀躞
玉色似從容
夜夜勞歸夢
摩挲霜澗松

慎勿憂吾老
餘生那足悲
羣黎紛夜枕
百歲一朝炊
枯甕得真契
松喬在此時
瑤臺不荒宴
何地使伸眉

或贈吾長劒
中宵枉作聲
垂楊生左肘
大漠不橫行
伏地

鬱無語升天骨尙清石泉幽咽裏與汝奏龍笙

海秋招同亨甫梅伯通甫孔吳二生飲尺五山莊畱

詩與海秋別

湯生戀我如兄弟日日牽衣輓玉驄別酒昨宵渾未醒開筵又在水雲中

海內詞章幾勝流可憐去住等沙鷗馬頭忽見江鄉景都欲齋錢買釣舟

雷雨橫空洗陌塵郭南花臘幾分春一亭風色涼如水惜少搗箏勸酒人

疏籬轉轉入青林畧遣勞人一散襟尺五近天吾未信仰

看閨闔紫雲深

平砌新苔亂疊錢迴廊弱柳細飛絲如何一到搖鞭去不看陂塘五月蓮

主人死抱園亭瘁墓道還餘水木清莊之主人
歿卽葬焉畢竟一坏誰是伴夕陽流水最無情

燕南旅次用儉卿壁上韻

亂雲回望掩觚棱野態衰姿百不勝驛雨夢搖鷗外艇林風愁颭馬前燈文章欲用都堂吏身世宜爲石室僧澤雉紛紛齊化鳳歸呼兒輩學飛騰

在平夜送亨甫

惚恍辭京國，僮僮出鄭州。

亨甫兄寓鄭州，余爲畱半日。

齊歌邀我聽淮

月，爲君愁匹馬河漳晚孤吟。

襄漢秋時，亨甫由豫之楚。

何能化雙

鶴同上武昌樓。

四海知交滿，神傷此別離。夜風衫上淚，曉月鬢邊絲。大論

何關酒，高名且付詩。洞庭空翠好，可有結鄰時。

曩亨甫約余同居洞

庭西山

再送亨甫

飄飄大雲太弋之趾，周游九霄有滄匪雨廓廓。元締誰夷

誰阻天命勞勞，曷云其已。

燭燭華燭光於逆旅，寶哉今夕吾眼有子清謳未關涕下。

如雨我不溝壑子來淮浹

悵悵玉琴拜而贈子海濶旣平哀怒時敘子不我棄囊之
千里遠哉素月聞聲以喜

東阿憶亭甫當至東昌

東阿碧水暮潏潏疏柳平沙一櫂閒卻望聊城人不見亂
愁和鳥過魚山

東平旅亭

石橋流水漱泠泠小駐征驂爲柳青酒畔閒愁忽棖觸半
窗山色似江亭

都下野景以
江亭爲最

宿遷道中述懷和通甫壁上韻卽以贈別

走馬燕山去復來陰陰天氣入黃梅海雲變滅無仙閣野
水荒涼有釣臺鄉里小兒輕命世風塵老子倦論才惟應
古澗藤蘿月照我深宵漱瀝杯

數徧郵籤十數程壯懷空聽大河聲眼前道路同驢磨夢
裏雲山繞鳳城郭隗館荒春草合憤王祠在夕陽明廢興
千載渾無據浩浩洪流詠洛生

青門楊柳送人來有客高樓怨落梅

謂亭南往武昌

海近君尋徐

福島江清我上子陵臺

擬秋間游浙

極知相馬難依古更悟屠

龍不是才好勸靈均收涕淚閒招山鬼共銜杯

浪說鵬風幾萬程荒陂飢鶴不能聲可憐濁世皆蒿里差

喜名山在管城老屋三閒秋夢遠大河兩岸月華明離懷
姑付邨牛笛千頃黃雲樂意生

郡東歸舟作

水邊亭子國門前春盡垂楊最可憐手擲玉柎飛馬去和
塵和淚下南天

在平郭憶右安門新淚痕連舊淚痕家近黃河又揮手一
齊霑袖對殘尊

清江全受碧淮流冠蓋耳幢列上頭誰訊江南老詞客苧
衫桐帽短篷舟

輕航轉轉傷重闌淺水羅羅不受塵何日葦閒來結屋浴

鳬飛鷺最親人

晤靜山

湖水日夜流離思與不息一載不相見相見貴求益憐我
數千里來往爲名役問我勞悴中久困必有得聞言俯自
慚惛愚至我極古人遇拂意拜受若拱璧我作慣見事昏
柔漬心魄忽聆執友語頭白亦奮激仰睇天宇空海氣晝
如墨怒雷挾龍雨百卉甲盡歸物物各自振士也何所立
奔走文字塗何異市乞食外重中日輕弱草故難植客去
獨步庭雲陰散無跡檐端河漢明眾星垂歷歷靈臺快豁
朗內視有廣宅嗟此俄頃樂已獲石交力世人遠直諒如

田孰墾闢哉愛桑榆回光半天赤

觀海書院晚坐示張生文瀚

廣陌風塵倦蕭齋草木幽雲低晴漏雨海近夏成秋時序
長征馬心情欲泊鷗春城花過眼曉鏡雪盈頭密友開書
牘衰年畏酒籌涼颼清獨坐暮色動遙愁天地容高枕江
湖待巨舟羣公勞擘畫匹士恣優游憶其金龜客開披紫
綺裘醉談殊衰衰吾道忍悠悠短夢憐爭鹿多文笑汗牛
誰從碣石畔倒輓濁河流老我依蝸壁看人造鳳樓無柰
澆趙土有匪閩吳鉤一榻懸苔牖孤帆下葦洲南金真謬
負東道極綢繆

謂錢伯仁大令張生伯仁婿也

張驚英詞富潘元旅舍開

新知來上谷舊好半神州易水離人感淮堧釣者謳世塗
成濩落身計任沈浮馬帳應慚鄭揚亭偶待侯編摩尙枝
葉勛績乃山邱七尺須眉在千年竹帛酬瘡痍韋布責歌
嘯鬼神謀恤緯餘哀涕治經抗好脩承肩如屬鼻失手盡
崢嶸以此苦岑合無虛縞紵投鶴幘聊倚檻鷹隼早離韞
寂處含誠懔長吟勉壯猷岱宗存怪石或可礪琳球

題王惜菴越思圖

山平入淮路雲擁讀書樓樓上卷簾坐黃河天際流海風
吹越水鄉思發清秋應夢鴛湖畔菱歌起釣舟

相聞不相見故友感君深破屋孤兒淚分金長者心

亡友李少

白與君至交君葉飛同嘆逝菊老各悽吟何日買雙櫂山
廬共遺孤甚力房聽古琴

寶應劉烈女詩

女字同邑應銓母沒父酷貧于役山左以女歸應
氏未笄也旣而銓病女潛割股肉和藥命婢進竟
不起服除舅姑謀嫁女馳書告其父旣許之矣女
聞之大慟投水死嘉慶十九年旌如例其族弟
寶楠徵詩

女曷名婦吾父使之哀吾惻惻吾依舅姑吾思吾母女曷
不終婦吾父使之哀吾惻惻吾違舅姑吾下從夫子吾穉

無食以夫生吾長無家以夫死吾肉豈不愛吾婦於應氏
吾身豈不愛吾不得婦於應氏冥冥蒼天吾哀吾命吾思
吾母

雁冢圖詩

康熙中寶應南邨寺僧獲一雁畜之數年其匹忽
飛集哀號良久互絞頸死僧感而立冢焉道光十
八年其邑劉子爲圖徵詩

中年痛連枝聞雁涕滿裳哀此患難中復植夫婦綱厥德
亞鸞鳳肫然含五常江天風雪深憔悴求稻梁彈射汝何
人得無少彷徨

哭靜山五首

靜山余三十年老友爲人渾淡貞介屢空晏如味
道講德臨沒不亂有陶徵士之風焉戊戌之夏余
至黃浦猶與宴游是冬復來奄然已逝悽泐於邑
不復能語爰集陶詩四百言爲之輓歌亦靜山所
冥契也嗚呼噫嘻

大象轉四時人生少至百賢達無奈何萬化相尋繹念我
意中人如何不嘆息慷慨憶綢繆樂與數晨夕幽室一以
閉寂寂無行跡嚴霜結野草落葉掩長陌寒氣激我懷銜
哀過舊宅靈化無窮已此士難再得

原生納決屨被服常不完竟抱窮苦節邈然不可干君其
愛體素靈府長獨閒遂盡介然分誰云固窮難做廬交悲
風窺竈不見煙厭聞世上語所說聖人篇孰若當世士一
心處兩端奄去靡歸期鬼神茫昧然

道喪向千載世俗久相欺與君相遇來高風始在茲雲鶴
有奇翼秋月揚明輝談諧無俗調言詠遂賦詩蕭條隔天
涯閒暇輒相思得歡當作樂良辰入奇懷清吹與鳴彈觴
至輒傾杯今復在何處泣然沾我衣

日月擲人去有生必有死客養千金軀達士似不爾應盡
便須盡清氣激餘滓有子不聞金志意多所恥清言曉未

悟不學狂馳子

易簣前一日召密友至各大聲規戒之復縱論古今學術無一語及家事

大鈞

無私力素心正如此覺悟當念還今朝真止矣邈哉此前修當年詎有幾

蕤賓五月中臨流別友生初與君別時何意爾先傾白日淪西阿倏如流電驚秋菊有佳色寒華徒自榮蕭條空宇中何以稱我情歸雁鳴雲霄氣澈天象明慷慨獨悲歌懷人在九冥人生似幻化吁嗟身後名

木果軒題壁

結茅爲小亭日日獨安坐庭草被霜盡此中有木果天地氣所結綱大寓纖瑣物象易成熟人心得毋憤萬化相庚

續聚之乃在我養衰順時藏發生其當可

答孔生

白日去何疾寒梅開太遲猶希當世用極恨鬢毛衰婚嫁

願真畢行藏事可知肆筵看醴婦回首重予悲

輿之三兒婦先太孺

人之內姪孫女也痛輿之失恃已四十二年矣

親舊憐予病相關汝最深衣裳餘涕淚痛癢其身心雪虐

蛟藏壑峰危鳥息林文章爲碩果

來詩中語

此事尙難任

化寓

不披窮島霧化寓豈無邊虹氣敢侵日極星長蓋天含沙

笑鬼蜮橫海有鯢鱣

聖代幽巖客鞘光待舉賢

己亥年

觀海書院獨坐

默坐探大本閒步攬化育優游得解悟今古猶信宿萬境
可以齊吾其保淵穆

墓頭草

墓頭草何青青朽者自朽生自生蒼天順物非無情歡戚
避就人心不平君不見白日墜海昏見星地輪之下萬國
朝暎明

縱筆

五十年來骯髒身癡心獨埽世閒塵一腔熱血噴何處惟

把文章示後人